



PARS TERTIA.

CAPUT PRIMUM.

DE ROB, SEU SAPA, ET SUCCIS INSPISSATIS.



ROB, vel Rohob, five Sapa est fructuum maturorum succus cum, vel sine saccharo, aut melle permixtus, ad crassitudinem mellis liquidi inspissatus. Distinguitur à Spissamento, quoniam Spissamentum nihil aliud est, quàm Succus herbarum, radicum, seu fructuum maturorum recentè expressus, depuratus, & per decoctionem ad mellis consistentiam crassiorē redactus.

ROB, SEU SAPA UVARUM.

R. Succu Uvarum albarum perfectè maturarum recentè expressi, quantum volueris.

Coque igne lento in vase terreo vitreato, aut in Balneo Maris spumam auferendo, donec mellis consistentiam habeat, postea cola, & ad usum serua.

Ad oris morbos confert: stypticitate quadam roborat, abstergit, & digerit, ac in Pharmacia quoque ad alios inservit usus.

Simili parantur modo ex Succis Rob.

Baccarum Sambuci,

Ebulorum,
Rhamni Cathartici,
Cydoniorum,
& similia.

ROB MORORUM, SEU DIAMORUM COMMUNE.

R. Succi Mororum domesticorum, . . . libras tres.
Mellis optimi, libras duas.

Coquantur igne lento in vase figulino vitreato, & fiat Rob secundum artem quod ad usum servetur.

Ad gutturis, oris, linguæque inflammationes, & exco-
riationes, gargarismatibus permixtum, prodest.

Dosis ab uncia una ad uncias duas.

ROB MORORUM COMPOSITUM.

R. Succi Mororum domesticorum, . . . libras duas.
Mororum sylvestrium, seu Rubi, } ana libras quatuor.
Mellis optimi, }

Coquantur, & despumentur igne lento, in vase fictili vitreato, ad consistentiam debitam, tunc cola, & usui serva.

Easdem, quod præcedens facultates obtinet.

Dosis eadem est.

ROB SAMBUCINUM.

R. Succi granorum maturorum Sambuci, libras duas.
Sacchari, five mellis, libram unam.

Coquantur igne lento, & fiat Rob secundum artem ad usum servandum.

Ictericos, & hydropicos juvat; sudoresque potentèr movet, ac in doloribus podagricis confert.

Dosis ab uncia semis ad unciam unam.

Eadem methedo fiunt Rob.

Juniperinum,

Ebulinum,

Omphacinum,

& similia.

SUCCUS ABSYNTHII INSPISSATUS.

R. Foliorum, & summitatum Absynthii virentium,
quantum libuerit.

Contunde optimè in mortario marmoreo, dein ponantur in vase terreo vitreato, ut per horas octo digerantur, postea Succus exprimatur, & per linteum coletur, qui igne lento clarificetur, diligentè despumando, & ad mellis spissioris consistentiam coctus, ad usum repnatur.

Stomachum roborat, coctionem iuvat, vomitum, & diarrhoeas sistit.

Dosis à drachma semis ad drachmam unam.

SUCCUS PRUNORUM SYLVESTRIVM INSPISSATUS.

R. Prunorum sylvestrium mundatorum, . . .
quot volueris.

Contunde in mortario lapideo, & post debitam digestionem Succus exprimatur, & coletur, dein in vase figulino vitreato, ad mellis crassioris consistentiam decoquatur, ac usui seruetur. Spissamentum hoc vocatur: *ACACIÆ NOSTRATIS SUCCUS.*

Dysenteriam, diarrhoeam, ac ventris profluvia præsertim serosa cohibet.

Dosis à drachma una ad drachmas duas.

Bb

SUCCUS CARDUI BENEDICTI INSPISSATUS.

R. Cardui Benedicti recentis, . . . quantum placet.
Contunde in mortario marmoreo, & post debitam digestionem Succus exprimatur, & coletur, ac igne lento decoquatur ad spissioris mellis consistentiam, tandemque ad usum reponatur.

Antifebrilis est, & sudorificus, vermes necat, humorum putrefactionem arcet, & pleuritico dolori confert.

Dosis à drachma semis ad drachmam unam.

Simili modo fiunt Succi Inspissati

Melissæ,
Menthæ,
Eupatorii,
& similia.

SUCCUS CYDONIORUM INSPISSATUS.

R. Succus recentis Cydoniorum depurati, quantum volueris.

Decoquatur igne lento in vase figulino vitreato, ad mellis spissitudinem, postea ab igne separetur, & ad usum reponatur.

In diarrhoea, dysenteria, & aliis alvi fluxibus, à calidis, acrisque humoribus concitatis valet, & vomitum sistit.

Dosis ab uncia semis ad unciam unam.

Simili modo fiunt Succi Inspissati

Baccarum Myrti,
Granorum Sambuci,
Ebulorum,
Omphacii,
& similia.